

膽非雷府

妄將藏腑作雷霆怒氣膨膨起震驚擊破琉璃瓶子後何曾聞得有雷聲

誤指雷霆

一陽生處地雷復外腎應非雷所居穢濁聖賢難懺悔將來必定被雷誅

不辨真陽

心肝脾肺腎膽府噓呵咽嘻呼吹取父母后天陰陽氣如何可以祈晴雨

七事純陽

道藏輯要

明真破妄章頌

大

中易集五

涕唾津精氣血液七件皆陰總無益身中只有一陰陽江湖多少无人識

穢氣觸真

有言臍下寸三分作用金光此處存豈識此中陰濁氣運成穢濁不堪聞

似是而非

妄言一竅在眉心直入三分可許深誤殺世人真可笑如將偷石作黃金

錯認後天

臍輪後與腎相連兩處空空總後天若問先天玄妙處除非得

遇至人傳

雷動無時

動雷有用雷霆教又算停星日月時如此天機容易測雨暘何用法來祈

邪能惑正

幾多道眼不會明役將祛神輒現形只為身中无主宰陰魂假托姓名靈

當明真要

一員神將數家法多是宗師撰造成更過幾年多是假行符呪水豈能靈

道藏輯要

明真破妄章頌

堯 中鼎集五

作用兩全

道法難忘呪與符必須道妙兩相扶先天玄妙工夫到呪訣符圖可有無

道本法體

法行大道合先天呪訣符圖總是玄至道杳然无所得符圖呪訣也徒然

萬法歸一

道生於一復何疑可以无為可有為萬法本來歸一處何分正一與清微

造化在我